



Broj predmeta: 13-002520/23
Broj akta: 01.1-1528ZN-0020/24
Datum, 8. 2. 2024.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 27/23) i čl. 70 stav (4) Zakona o javnim nabavkama («Službeni glasnik BiH broj: 39/14 i 59/22), a u skladu s članom 69. stav (3) Zakona o javnim nabavkama («Službeni glasnik BiH», broj: 39/14 i 59/22), člana 24. stav (3) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.01.2023. godine («Službeni glasnik Brčko distrikta BiH broj: 3/2023), Izmjene i dopune zapisnika o pregledu i ocjeni ponuda broj: 13-002520/23 od 01.02.2024. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak javne nabavke usluga krećenja prostorija za potrebe Direkcije za finansije Brčko distrikta BiH, koji je pokrenut na osnovu Odluke o pokretanju postupka javne nabavke broj: 13-002520/23 od 10.10.2023.godine, Obavještenja o nabavci na portalu javnih nabavki broj: 1157-1-3-373-3-671/23 od 17.10.2023. godine, specifikacije robe u vezi sa Tenderskom dokumentacijom broj: 13-002520/23.

Obrazloženje

Komisija za javne nabavke je u svom Zapisniku o pregledu i ocjeni ponuda od 22.11.2023. godine dala preporuku da se ugovor dodijeli ponuđaču "ASTRA PLAN" d.o.o. Brčko.

Na osnovu navedene preporuke ugovorni organ je donio Odluku o izboru najpovoljnijih ponuđača br. 13-002520/23 od 28.11.2023. godine. O donošenju odluke o izboru najpovoljnijih ponuđača, ponuđači u ovom postupku javne nabavke su obaviješteni dana 06.12.2023. godine. U skladu sa odredbama tenderske dokumentacije, te obavještenja koje je dostavljeno ponuđačima uz odluku o izboru, izabrani ponuđač je bio dužan u roku od 7 dana dostaviti potrebnu kvalifikacionu dokumentaciju u skladu sa tačkom 5.1.4. pod a), b), c) i d) i tačkom 5.2.2. Ponuđač je istu dostavio u zadatom roku.

Komisija je pregledom i analizom dostavljene dokumentacije utvrdila da ponuđač „ASTRA PLAN“ d.o.o. Brčko koji je predložen za dodjelu ugovora nije dostavio urednu dokumentaciju. Dostavljena je potvrda od strane Direkcije za finansije za direktne poreze gdje navode da ponuđač ima drugih neizmirenih obaveza po osnovu akontacije. Od Direkcije za finansije je traženo dodatno pojašnjenje, gdje su dostavili mišljenje da porez na dobit predstavlja poresku obavezu poreskog obveznika poreza na dobit, a shodno članu 24. Zakona o porezu na dobit. U momentu izdavanja poreskog uvjerenja poreski obveznik je imao neizmirene i dospjele poreske obaveze po osnovu akontacija poreza na dobit.

Nakon dostavljenog pojašnjenja, komisija je konstatovala da ponuđač „ASTRA PLAN“ nije izmirio dospjele obaveze u vezi sa plaćanjem direktnih poreza, odnosno, nije dostavio traženi dokaz o kvalifikovanosti u skladu sa članom 45, stav 1, tačka d) ZJN.

Dana 18.01.2024. godine Pododjeljenje za javne nabavke je zaprimilo obavještenje od Direkcije za finansije za obustavljanje postupaka nabavke radova za krećenje prostorija za potrebe Direkcije za finansije s obzirom da je predmetna nabavka bila planirana u tekućem budžetu za 2023. godinu, samim tim ne postoji izvor finansiranja za tekuću 2024. godinu. Shodno tome, a u skladu sa članom 69. stav (3) Zakona o javnim nabavkama BiH, postupak javne nabavke se poništava zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđaču,
3. Gradonačelniku,
4. Direkciji za finansije,
5. Arhivi.

